



## თელავის მუნიციპალიტეტი

ქ. თელავის ქუჩების დაზიანებული ასფალტის საფარის  
სარეაბილიტაციო  
სამუშაოების შესყიდვა ელექტრონული ტენდერით

### სატენდერო დოკუმენტაცია

დაფინანსების წყარო - ადგილობრივი ბიუჯეტი

კლასიფიკატორის (CPV) კოდი და შესყიდვის კონკრეტული ობიექტი  
45233142 - გზის შეკეთების სამუშაოები

წინამდებარე სატენდერო დოკუმენტაცია შედგენილია  
„სახელმწიფო შესყიდვების შესახებ“ საქართველოს კანონის  
შესაბამისად

2014 წელი  
ქ. თელავი

## 1. სარჩევი

|                                                            |    |
|------------------------------------------------------------|----|
| 1. სარჩევი .....                                           | 3  |
| 2. ტექნიკური/საკვალიფიკაციო დოკუმენტაცია .....             | 4  |
| 3. დანართი N1 - ფასების ცხრილი.....                        | 6  |
| 4. სახელმწიფო შესყიდვის შესახებ ხელშეკრულების პროექტი..... | 8  |
| 5. დანართი N2 - რეკვიზიტები.....                           | 12 |
| 6. დანართი N3 - ანალოგიური სამუშაოს გამოცდილება .....      | 13 |
| 7. დანართი N4 - მატერიალურ-ტექნიკური ბაზა .....            | 14 |

## 1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭედის არსებობის შემთხვევაში) უნდა იყოს უფლებამოსილი პირის მიერ. (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

## **2. საკვალიფიკაციო მოთხოვნები და ტექნიკური დოკუმენტაცია**

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

### **2.1 საკვალიფიკაციო მოთხოვნები:**

იურიდიული პირებისათვის (მათ შორის ინდ.მეწარმეებისთვის)

2.1.1 ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ;

2.1.2 ცნობა საგადასახადო ორგანოდან დავალიანების არქონის შესახებ.

ფიზიკური პირებისთვის:

2.1.3 პირადობის მოწმობის ასლი;

2.1.4 ცნობა, შესაბამისი უფლებამოსილი ორგანოდან პრეტენდენტის პირის ქმედუნარიანობის შესახებ. (ჯანმრთელობის შესახებ ცნობა);

### **2.2 ტექნიკური დოკუმენტაცია**

როგორც იურიდიული ასევე ფიზიკური პირებისათვის:

2.2.1 ფასების ცხრილი - **დანართი N1**.

2.2.2 ინფორმაცია - **დანართი N2**-ის შესაბამისად.

2.2.3 ინფორმაცია - **დანართი N3**-ის შესაბამისად.

2.2.4 ინფორმაცია - **დანართი N4**-ის შესაბამისად.

2.3 ადმინისტრაციული ორგანოებიდან წარმოსადგენი საკვალიფიკაციო მონაცემის დამადასტურებელი დოკუმენტების გაცემის თარიღი არ უნდა უსწრებდეს ელექტრონული ტენდერის გამოცხადების თარიღს;

2.4 ამ პუნქტის 2.1 ქვეპუნქტით გათვალისწინებული, ადმინისტრაციული ორგანოდან წარმოსადგენი საკვალიფიკაციო მონაცემის დამადასტურებელი დოკუმენტი წარმოდგენილ უნდა იქნეს შემსყიდველი ორგანიზაციაში შესაბამისი ოქმით მოთხოვნილ ვადაში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.5 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემის წარმოდგენა შემსყიდველ ორგანიზაციაში ხორციელდება საქართველოს კანონმდებლობით დადგენილი ფორმით.

2.6 პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

### **2.7 ანგარიშსწორების პირობები**

2.7.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით.

2.7.2 ანგარიშსწორება მოხდება უნაღდო ანგარიშსწორებით ლარში.

2.7.3 ანგარიშსწორება მოხდება მიღება-ჩაბარების აქტის გაფორმებიდან არაუმეტეს 20 დღის.

2.7.4 ანგარიშსწორებას განახორციელებს შემსყიდველი ორგანიზაცია ინდივიდუალურად მათთვის მიწოდებული სამუშაოს ღირებულების ოდენობით. ასევე შესაძლებელია ანგარიშსწორება ეტაპობრივად, ფაქტიურად შესრულებული სამუშაოს შესაბამისად.

2.7.5 შესაძლებელია საავანსო ანგარიშსწორება მიმწოდებლის მიერ მოთხოვნილი თანხის შესაბამისად, არაუმეტეს სატენდერო წინადადების ფასის 30%-ისა, იდენტური ოდენობის საბანკო გარანტიის წარმოდგენის საფუძველზე.

## 2.8 შესყიდვის ობიექტის მიწოდების ადგილი და ვადები:

2.8.1 სამუშაოს მიწოდების ადგილი: ქ. თელავი. შესაკეთებელი ქუჩების შესახებ კონკრეტულ ინფორმაციას (ქუჩების დასახელებები, კონკრეტული ტერიტორიები) შემსყიდველი მიმწოდებელს გადასცემს ხელშეკრულების გაფორმების შემდეგ ეტაპობრივად.

2.8.2. სამუშაოს მიწოდების სავალდებულო ვადა: 60 კალენდარული დღე.

## 2.9 სამუშაოს აღწერილობა და ტექნიკური პირობები:

შესყიდვის ობიექტს წარმოადგენს ქ. თელავში ასფალტის საფარის ორმოული შეკეთება მსხვილმარცვლოვანი და წვრილმარცვლოვანი საფარით სისქით 5 სმ. სამუშაოები შესრულებული უნდა იქნეს ხარისხიანი სამშენებლო მასალით რაზეც მიმწოდებელმა უნდა წარმოადგინოს შესაბამისი ექსპერტიზის დასკვნა.

იხ. დანართი N1 - სამუშაოთა მოცულობები.

## 2.10 სხვა პირობები

2.10.1 მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და/ან ბეჭედ დასმული.

2.10.2 პრეტენდენტის მიერ წარმოდგენილი უნდა იქნეს წინამდებარე სატენდერო დოკუმენტაციით განსაზღვრული ინფორმაცია.

2.10.3 იმ შემთხვევაში თუ პრეტენდენტი საქონლის მიწოდებისთვის გამოიყენებს ქვეკონტრაქტორს, ასევე უნდა წარმოადგინოს ქვეკონტრაქტორის საკვალიფიკაციო დოკუმენტები და დანართი N3.

2.10.4 შესყიდვაში გამოყენებული იქნება ხელშეკრულების შესრულების უზრუნველყოფის 3%-იანი საბანკო გარანტია. გარანტიის ვადა 30 კალენდარული დღით უნდა აღემატებოდეს ხელშეკრულების მოქმედების ვადას. იმ შემთხვევაში თუ შესყიდვის სავარაუდო ღირებულება შემცირდება არანაკლებ 20%-ით, გაიზრდება გარანტიის პროცენტულ ოდენობას შესაბამისად არაუმეტეს 10%-მდე.

2.10.5 ხელშეკრულებით განსაზღვრული სამუშაოს (ექსპლოატაციის პერიოდი) საგარანტიო ვადა განისაზღვრება 2015 წლის 1 იანვრამდე. საგარანტიო პერიოდში მიმწოდებელი ვალდებულია უსასყიდლოდ შეასრულოს ხარვეზის აღმოფხვრის სამუშაოები.

## 2.11 დოკუმენტაციის წარმოდგენის პირობები

მიმწოდებლის მიერ წარმოდგენილი ტექნიკური, საკვალიფიკაციო და ასევე სხვა ნებისმიერი დოკუმენტების წარმოდგენა ხორციელდება ელექტრონულად, სისტემის გამოყენების საშუალებით, ხოლო ყველა ზემოაღნიშნული დოკუმენტის დედნის სახით წარმოდგენა სავალდებულოა ხელშეკრულების გაფორმების მომენტში.

## 2.12 დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის გამოყენების საშუალებით წერილობითი მომართვის საფუძველზე.

სამუშაოების მოცულობები

ქ. თელავის ქუჩებში დაზიანებული ასფალტბეტონის სარეაბილიტაციო სამუშაოებზე

| N° | სამუშაოს დასახელება                                                                                                                                                                                        | განზომილება | რაოდენობა | ერთეულის ფასი | სულ ფასი |
|----|------------------------------------------------------------------------------------------------------------------------------------------------------------------------------------------------------------|-------------|-----------|---------------|----------|
| 1  | ასფალტის საფარის ორმოული შეკეთება 50 მმ სისქეზე ერთ ადგილზე 5 მ²-მდე<br>ასფალტბეტონის მსხვილმარცლოვანი ფენით<br>მატერიალური რესურსები ასფალტბეტონი მსხვილმარცლოვანი 54,21 ტონა<br>ბიტუმი თხევადი 0,27 ტონა | 100მ²       | 4,54      |               |          |
| 2  | ასფალტის საფარის ორმოული შეკეთება 40 მმ სისქეზე ერთ ადგილზე 5 მ²-მდე<br>ასფალტბეტონის წვრილმარცლოვანი ფენით<br>მატერიალური რესურსები ასფალტბეტონი წვრილმარცლოვანი 43,36 ტონა<br>ბიტუმი თხევადი 0,27 ტონა   | 100მ²       | 4,54      |               |          |
| 3  | ასფალტის საფარის ორმოული შეკეთება 50 მმ სისქეზე ერთ ადგილზე 25მ²-მდე<br>ასფალტბეტონის მსხვილმარცლოვანი ფენით<br>მატერიალური რესურსები ასფალტბეტონი მსხვილმარცლოვანი 73,67 ტონა<br>ბიტუმი თხევადი 0,37 ტონა | 100მ²       | 6,17      |               |          |
| 4  | ასფალტის საფარის ორმოული შეკეთება 40 მმ სისქეზე ერთ ადგილზე 25 მ²-მდე<br>ასფალტბეტონის წვრილმარცლოვანი ფენით<br>მატერიალური რესურსები ასფალტბეტონი წვრილმარცლოვანი 58,92 ტონა<br>ბიტუმი თხევადი 0,37 ტონა  | 100მ²       | 6,17      |               |          |
| 5  | სამშენებლო ნარჩენების დატვირთვა ა/თვითმცლელზე ხელით                                                                                                                                                        | მ³          | 99        |               |          |
| 6  | გადაიზიდოს სამშენებლო ნარჩენები ნაგავსაყრელზე 15კმ-ზე                                                                                                                                                      | ტ           | 163,3     |               |          |
| 7  | მოეწყოს ასფალტბეტონის ერთფენოვანი შემასწორებელი ფენა 4 სმ სისქეზე<br>მატერიალური რესურსები ასფალტბეტონი წვრილმარცლოვანი 932,32 ტონა                                                                        | 1000მ²      | 9,23      |               |          |
| 8  | გადაიზიდოს სამშენებლო მასალები 15 კმ-ზე                                                                                                                                                                    | ტ           | 1164      |               |          |
|    | ჯამი                                                                                                                                                                                                       |             |           |               |          |
|    | ზედნადები ხარჯი                                                                                                                                                                                            |             |           |               |          |
|    | ჯამი                                                                                                                                                                                                       |             |           |               |          |
|    | გეგმიური მოგება                                                                                                                                                                                            |             |           |               |          |
|    | ჯამი                                                                                                                                                                                                       |             |           |               |          |
|    | დღ 18%                                                                                                                                                                                                     |             |           |               |          |
|    | სულ ჯამი                                                                                                                                                                                                   |             |           |               |          |

(ხელმოწერა, ბეჭედი) -----

(თარიღი) -----



## 4. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების და შემსყიდველის მოთხოვნების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თელავი

„-----“ „-----“ 2014 წ.

ერთის მხრივ თელავის მუნიციპალიტეტი, შემდგომში წოდებული „შემსყიდველი“, წარმოდგენილი მისი გამგებლის გივი მეტრეველის სახით და მეორეს მხრივ -----, მისი დირექტორის ----- სახით, შემდგომში წოდებული „მიმწოდებელი“, ვმოქმედებთ რა საქართველოს კანონმდებლობის და ელექტრონული ტენდერის შედეგის საფუძველზე, ვდებთ წინამდებარე ხელშეკრულებას:

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს სამუშაოს მიწოდებას ამ ხელშეკრულების ფარგლებში.

1.6. „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი

2.1 ქ. თელავის ქუჩების ორმოული შეკეთების სამუშაოები.

2.2 სატენდერო განცხადების ნომერი -----

2.3 კლასიფიკატორის (CPV) კოდი და შესყიდვის კონკრეტული ობიექტი: 45233142 - გზის შეკეთების სამუშაოები.

2.4 შესყიდვის საშუალება - ელექტრონული ტენდერი.

2.5 დაფინანსების წყარო - ადგილობრივი ბიუჯეტი.

### 3. ხელშეკრულების ღირებულება

3.1 ხელშეკრულების ღირებულება შეადგენს ----- ლარს.

3.2 ხელშეკრულების ღირებულება მოიცავს როგორც მისაწოდებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, სახელმწიფო შესყიდვის შესახებ ხელშეკრულების ჯამური ღირებულების გაზრდა დასაშვებია მხოლოდ 10%-ის ოდენობით.

### 4. მხარეთა ვალდებულებები

#### 4.1 მიმწოდებელი ვალდებულია:

- ა) უზრუნველყოს სამუშაოს მიწოდება ტექნიკურ დოკუმენტაციაში განსაზღვრული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა აღდებულებები.
- დ) მიმწოდებელმა შესრულებულ სამუშაოზე სატენდერო დოკუმენტაციასთან შესაბამისობის დადგენის მიზნით, უნდა წარმოადგინოს შესაბამისი დოკუმენტაცია.

#### 4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები;
- გ) გადაუხადოს მიმწოდებელს შესრულებული სამუშაოს ღირებულება.

4.3 შემსყიდველი უფლებამოსილია მიმწოდებლის მიერ გაწეული სამუშაოს სატენდერო დოკუმენტაციასთან შესაბამისობის დადგენის მიზნით, განახორციელოს კონტროლი ინსპექტირების ჯგუფის საშუალებით.

### 5. ხელშეკრულების შესრულების კონტროლი

5.1. შემსყიდველი უფლებამოსილია განახორციელოს ხელშეკრულების შესრულების კონტროლი როგორც სამუშაოს მიწოდების დროს, ისე ამ ხელშეკრულების მოქმედების პერიოდში საჭიროებისამებრ.

5.2 ხელშეკრულების ინსპექტირებას განახორციელებს თელავის მუნიციპალიტეტის ინსპექტირების ჯგუფი.

5.3 შემსყიდველის შესაბამისი წარმომადგენელი (წარმომადგენლები, ინსპექტირების ჯგუფი, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული შესყიდვის ობიექტი, მიმწოდებელი ვალდებულია 10 (ათი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს ღირებულება დაუბრუნოს შემსყიდველს აღნიშნული წუნდებული სამუშაოს ღირებულება.

### 6. მიღება-ჩაბარების წესი

სამუშაოს მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

### 7. ანგარიშსწორება

7.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიწოდებული სამუშაოს ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან არაუმეტეს 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

### 8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.



## 9. ხელშეკრულების პირობების შეუსრულებლობა

9.1 წინამდებარე ხელშეკრულების 13.1 პუნქტით განსაზღვრული სამუშაოს მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 0.2%-ის ოდენობით ყოველ გადაგადაცილებულ დღეზე.

9.2 წინამდებარე ხელშეკრულების ტექ. დოკუმენტაციით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო სახელშეკრულებო ღირებულების 0.2%-ის ოდენობით, ვადით წუნის აღმოფხვრამდე.

9.3 წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, შემსყიდველს ეკისრება პირგასამტეხლო ყოველ გადაგადაცილებულ დღეზე გადაუხდელი თანხის 0.2%-ის ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

## 10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## 11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

## 12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

## 13. ხელშეკრულების მოქმედების ვადა

13.1 წინამდებარე ხელშეკრულებით გათვალისწინებული სამუშაოს მიწოდების ვადა 60 კალენდარული დღით მისი ხელმოწერიდან.

13.2 ხელშეკრულების მოქმედების ვადა განისაზღვრება მისი ხელმოწერის 90 კალენდარული დღით.

## 14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით,

კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

#### 15. სხვა პირობები

15.1 ელექტრონული ტენდერის (NSPA-----) „ტექნიკური დოკუმენტაციის“ და „შედეგების ველში“ ატვირთული დოკუმენტები წარმოადგენს წინამდებარე ხელშეკრულების დანართებს.

15.2 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

#### 16. მხარეთა რეკვიზიტები:

შემსყიდველი:

მიმწოდებელი:

5. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა/ ბეჭედი -----

თარიღი -----

**6. ინფორმაცია**  
გზის სარემონტო-სარეაბილიტაციო სამუშაოების შესახებ

| N | სამუშაოს<br>დასახელება | შემსყიდველი | შესრულებული<br>სამუშაოს<br>ღირებულება | მიწოდების<br>ვადები | SPA<br>ნომერი |
|---|------------------------|-------------|---------------------------------------|---------------------|---------------|
|   |                        |             |                                       |                     |               |
|   |                        |             |                                       |                     |               |
|   |                        |             |                                       |                     |               |
|   |                        |             |                                       |                     |               |

ხელმოწერა/ ბეჭედი -----

თარიღი -----

**შენიშვნა:** პრეტენდენტს შესრულებული უნდა ჰქონდეს ანალოგიური სამუშაოები ბოლო 2 წლის განმავლობაში, ღირებულებით არანაკლებ 200 000 ლარის, რაზეც უნდა წარმოადგინოს შესაბამისი მიღება-ჩაბარების აქტები. ტენდერის საშუალებით განხორციელებული სამუშაოების შემთხვევაში მიღება-ჩაბარების აქტების წარმოდგენა სავალდებულო არ არის.

7. ინფორმაცია მატერიალურ-ტექნიკური  
ბაზის შესახებ

| N          | მანქანა-<br>მექანიზმების<br>დასახელება | აღწერილობა,<br>მოდელი,<br>მარკა და<br>ასაკი | რაოდენობა | მდგომარეობა<br>(ნახმარი,ახალი,<br>მოძველებული) | საკუთრება:მფლობელობის<br>ან სარგებლობის ფორმა<br>(იჯარის შემთხვევაში<br>წარმოდგენილი იქნას<br>საიჯარო ხელშეკრულებები) |
|------------|----------------------------------------|---------------------------------------------|-----------|------------------------------------------------|-----------------------------------------------------------------------------------------------------------------------|
| 1          |                                        |                                             |           |                                                |                                                                                                                       |
| 2          |                                        |                                             |           |                                                |                                                                                                                       |
| 3          |                                        |                                             |           |                                                |                                                                                                                       |
| და<br>ა.შ. |                                        |                                             |           |                                                |                                                                                                                       |

ხელმოწერა/ ბეჭედი -----

თარიღი -----

**შენიშვნა:** პრეტენდენტ პირს ტენდერით გათვალისწინებული სამუშაოების შესასრულებლად უნდა გააჩნდეს გამართულ მდგომარეობაში საკუთარი ან იჯარით არანაკლებ ქვემოთ ჩამოთვლილი ტიპის და ოდენობის შემდეგი მანქანა მექანიზმები:

1. 2 (ორი) ერთეული ავტოთვიტმცლელი;
2. 1 (ერთი) ერთეული ექსკავატორი;
3. 1 (ერთი) ერთეული ბულდოზერი;
4. 1 (ერთი) ერთეული ასფალტის დამგები;
5. 2 (ორი) ერთეული საგზაო სატკეპნი მექანიზმი.